

«DEMOKRAZIAREN» ETA «TOLERANTZIAREN» AURKAKO ERASOA IZAN DA BBBREN IRITZIZ

Su eman diote ezezagun batzuek Elorrioko EAJren batzokiari

Kalte material handiak eragin zituen atzo Elorrioko batzokian zenbait lagunek egindako erasoak. Bizkai Buru Batzarrak gogor salatu du ekintza hori, eta egileak «talde faxistak» direla adierazi du. Erasoa gertatu dira Andoain, Pasaia, Azpeitia, Orio eta Oiartzunen ere.

Erredakzioa / Donostia

EAJk Elorrion duen batzokiaren zati handi bat kiskalita gelditu zen atzo goizeko 3:15etan ezezagun batzuek su eman ostean. Urarka kalean dago Batzokia. Durangoko suhiltzaileak bertaratu ziren eta, sua itzaltzea lortu zuten arren, su-garrek batzokiko lehen solairua erabat kiskali zuten. Bileraren aretoa, liburategia, 35 koadro eta 1936ko Emakume Abertzale Batzaren ikurrina erre ziren sutean, eta lehenengo solairutik bigarrenera igotzeko eskailerak ere kalteak izan zituen. EAJko bozeramaile Inigo Urkulluk adierazi zuenez, ezezagun horiek batzokiko lehen solairuan dagoen balkoitik sartu ziren eta gasolinaz betetako bi lata bota zituzten barrura. Elorrioko batzokiak aurten jasan duen bigarren eraso da hau, Martxoan norbaitek sutan zegoen zakarrentzi bat jaurtiki baitzuen batzokiara.

Bizkai Buru Batzarrak komunikatu baten bidez adierazi duenez, «EAJk defendatzen dituen demokrazia, tolerantzia eta errespetu ideien aurka egindako erasoak da». «Atzo goizaldean Elorrioko batzokiari su eman zioten euren burua nazionalistatzat dute baina, aldi berean, nazionalismoari eraso egiten diote», esan du BBBk. «EAJk Elorrion zuen egoitza erre dute eta balio historiko handiko gauzak kiskali dira bertan, hala nola Emakume Abertzale Batzaren ikurrin bat».

«Talde faxista hauen etika falta» salatu du EAJk. «Azken egunotan EAJko alkateak eta Erztaintza izan dira Herri Batasunaren egoitzak defendatu dituz-



Elorrioko batzokiko bigarren solairua ia guztiz kiskalita gelditu zen sutearen ondorioz.

XOUSE SIMAL

tenak, baina eurek, aukera duten bakoitzean, EAJren egoitza bat eraso eta kiskaltzen dute. Portara horrek agerian uzten du ENA-Meko kideen jarrera hipokrita».

Elkarrik ere azkeneko eraso eta sabotajeak salatu ditu, eta estrategiak birplanteatu behar direla nabarmendu du elkarrizketarako mugimenduak.

Bestalde, burua estalita zeramaten ezezagun batzuek su eman zioten atzo gauerdian, Andoain, Zuberoa kalean aparkatuta zegoen auto bati. Herrizaingo Sailak aditzera eman duenez, ezezagun horiek autoaren barrualdea gasolinaz busti ondoren

su eman zioten eta autoa erabat kiskalita gelditu zen. Tolosako suhiltzaileek sua itzali eta autoaren barruan gasolina bidai bat eta zuzi bat aurkitu zituzten. Pasaian ere bi koktel jaurtikiz eraso diote Hamarretxeta kalean Euskadiko Kutxak duen sukurtsal bati eta bertako kutxazaina hondatu dute.

Herenegun, koktelak jaurtikiz eraso egin zioten Azpeitiko udaltxeari. Gaueko 11:30etan gertatu zen udaltxearen aurkako eraso, burua estalita zeramaten hiru lagunek udaltxeari lau koktel jaurtiki zizkionean. Horietako bat udaltzeko bulegoan sartu

zen eta kalte materialak eragin zituen; beste hirurek etxearen aurrealdea jo zuten, kalte materialik eragin gabe. Orio eta Oiartzungo bi banketxeri ere eraso zieten herenegun. Orion, goizaldeko 2:30etan ezezagun talde batek molotov koktelak jaurtikiz San Nikolas kaleko BBVren sukurtsalari eraso egin zioten. Oiartzunen, burua estalita zeramaten bost lagunek koktelak erabiliz su eman zioten Kutxaren kutxazainari eta inguruan zegoen auto batek ere kalteak jasan zituen. Bilbon, goizaldeko 1:50ak aldera Cantarranas kalean aparkatuta zegoen auto bati su eman zioten. X

HBko zinegotziei eragotzi egin diete Iruñeko Udaleko osoko bilkuran presoaren argazkiak erakustea

UPN, CDN eta PSNko zinegotziek terrorismoaren apologia zela azaldu eta kentzeko eskatu zuten

Efe / Iruñea

JAVIER CHOURRAUT Iruñeko alkateak ostiraleroko plenoa bertan behera utzi eta udaltzainei deitu zien atzo, presoaren argazkiak udaltzeko aretotik erretiratzeko. Presoen irudia Herri Batasunako zinegotziek eraman zuten plenora. UPN, CDN eta PSNko udal taldeek presoaren argazkiak kentzeko eskatu zioten alkateari, ekintza biolentoengatik zigortuta dauden etakideen irudiak erakustea terrorismoaren apologia egitea dela argudiatuta. Alkateak hiru aldiz eskatu zien HBko ordezkariak kartela kentzeko, baina

haiek ez zioten kasurik egin. Azken abisua eman ondoren, Chourrautek bertan behera utzi zuen plenoa eta udaltzainei deitu zien presoaren irudiak kentzeko. Hori dela eta, HBko zinegotziek alde egin zuten aretotik.

Minutu batzuk pasatu ondoren, berriro hasi zuten plenoa, HBko zinegotzirik gabe. Iruñeko Udaleko gainontzeko taldeek aho batez onartu zuten UPNk, PSNk, EAK, IUK eta CDNk Miguel Angel Angel Blanco Ermuko zinegotziaren hilketaren ondoren hitzartu zuten akordioa. Elkarbizitza baketsuaren aldeko akordioan, Iruñeko Ituneko alderdiek gogor

gaitzetsi zuten ETaren azken hilketa, eta HB «terrorismo odolzailearen» konplize dela azpimarratu zuten. Iruñeko Udalak bere egin zuen akordioa, eta Blancoen hilketa gaitzesteko eskatu zien HBko zinegotziei. Gaitzespenik ezean, HBrekin ezer ez egiteko konpromezua hartu zuten beste talde guztiek. Aipatu alderdietako bozeramaileek Blancoen hilketaren ondoren izandako manifestazio erraldoiak gogoratu zituzten. Esan zuten, herriak garbi utzi du bakea nahi duela eta ez dagoela HBren konplizitate luza roan eramateko prest. Presoen irudiak kentzeko eraba-

kiari dagokionez, denek bat egin zuten alkatearen erabakiarekin.

HBk, berriz, «adierazpen askatasunaren aurkako erasotzat» jo zuen plenoan gertatutakoa. Talde horren arabera, presoaren irudia erakustea ez da terrorismoaren apologia, «bizi garen errealtate gordinaren adierazpena» baizik. Hurrengo plenoetara ere presoaren argazkiak eramango dituztela iragarri zuten HBko ordezkariak, eta berriro kentzen badituzte auzitara joko dutela esan zuten. Hala, Iruñeko Udalen akordioa baliorik gabe utz dezatela eskatzeko aukera aipatu zuten. X

Asier Guridi
presoaren bi lagun
hiru bider gelditu
ditu Poliziak

■ Ceutan mehatxatu
egin zituztela salatu
du Senideak
erakundeak

Erredakzioa / Donostia

ASIER GURIDI euskal pres politikoaren bi lagunek esperimentzia txarra izan dute Ceutan. Joan zen larunbatean Ceutako kartzelara joan ziren Guridi bisitatzeraz, eta hori egin eta gero Poliziak eskut hartu zuen. Hiru ordutan hiru aldiz geldiarazi zituen Poliziak, eta Euskal Herrirako trenan ia galdu zuten.

Bisita normaltasun osoan egin zuten, Senideak presoaren aldeko elkarteak jakinarazi duenez. Guridik pakete bat eman zien, besteak beste hainbat argazkirekin, baina kartzelako funtzionarioek ez zuten eragozpenik jarri paketea ateratzeko. Itsasontziak Poliziak geldiarazi zituen, eta galdetu zien nondik zetozen eta nongoak ziren. Preso bat bisitatu zutela jakin ondoren, miaketak hasi ziren. Hiru ordutan hiru bider geldiarazi zituzten, eta tarte horretan mehatxuak jaso zituzten. Poliziek esan zieten epailearen aurrean deklaratu beharko zutela, eta Puerto de Santa Mariara iritsi zirenean, bost polizia zituzten zain.

Valentziako kartzelan, berriz, joan den uztailaren 12an euskal presoek ez zieten afaria eman, Senideak jakinarazi duenez. Gainera, ziegak aldatu egin dizkiete eta Euskal Herriko bidalitako egunkariak ez dizkiete ematen. Presoen senideei ere eragozpenak jarri dizkiete bisitak egiteko, eguna aldatu baitziote inolako arrazoirik eman gabe. X

Irizar: «Demokraten batasunaren aldekoak gara»

Vasco Press / Donostia

AZKEN asteetako gertaerak kontuan hartuta, politikariak herritarren sentitzeari erantzun argirik ematen ez dutela jakin izan uste du Jose Julian Irizar Gipuzkoako EAKo lehendakariak. Hortik atera beharreko ikasgaia honako hau da Irizarren ustez: «Toki jakin batzuetan gutxienezko siglak dira eta bai demokraten batasuna».

Gogoeta horren argipean Arrasateko kasua «zuzendu beharreko hutsunea» izan dela dio EAKo buruzagiak. Gipuzkoako EAKen batzarrean horrela azaldu zuen erabateko gehiengoak azaldu du Irizarrek. «Demokraten batasunaren aldekoak gara baina barkarte soziala ez da inteligenzia, ezta eusgarria ere; ez da rama inora», gaineratu du. X